

Broj: 03-45-3188-2/2026  
Bihać, 5. 3. 2026. godine

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
SKUPŠTINA UNSKO-SANSKOG KANTONA

9.3.2026

PRIMLJENO:	OKREŠTAVANJE:	REŠENJE:	BRJ. PRILOGA:
	0111-2-12-49/26		

## SKUPŠTINA UNSKO-SANSKOG KANTONA

**PREDMET:** Informacija o stanju nasilja u porodici na području Unsko-sanskog kantona za period januar - decembar 2025. godine dostavlja se;-

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Informaciju o stanju nasilja u porodici na području Unsko-sanskog kantona za period januar - decembar 2025. godine, uz sljedeće

### o b r a z l o ž e n j e

Vlada Unsko-sanskog kantona je na 14. sjednici, održanoj dana 5. 3. 2026. godine, razmatrala i donijela Zaključak broj: 03-02-44-316/2026, kojim je primila na znanje Informaciju o stanju nasilja u porodici na području Unsko-sanskog kantona za period januar - decembar 2025. godine, koju vam u prilogu ovog akta dostavljamo na razmatranje.

Prilog: Informacija o stanju nasilja u porodici na području Unsko-sanskog kantona za period januar - decembar 2025. godine

Dostavljeno:

1. Naslovu,
2. a/a.





Na osnovu člana 16. Zakona o Vladi Unsko- sanskog kantona (“Službeni glasnik Unsko- sanskog kantona” broj 5/08), na prijedlog Ministarstva unutrašnjih poslova, Vlada Unsko- sanskog kantona na 14. sjednici, održanoj dana 5. 3. 2026. godine, d o n o s i

## ZAKLJUČAK

### I

Prima se na znanje Informacija o stanju nasilja u porodici na području Unsko-sanskog kantona za period januar - decembar 2025. godine i upućuje se Skupštini Unsko-sanskog kantona na razmatranje.

### II

Ovaj Zaključak stupa na snagu danom donošenja.

Broj: 03-02-44-316/2026  
Bihać; 5. 3 .2026. godine

  
PREMIJER KANTONA  
mr. sci. Mustafa Ruznić

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona”, broj: 9/17), na prijedlog Ministarstva unutrašnjih poslova, Skupština Unsko-sanskog kantona na sjednici održanoj dana \_\_\_\_\_ 2026.godine, donosi:

## ZAKLJUČAK

### I

Prima se na znanje Informacija o stanju nasilja u porodici na području Unsko-sanskog kantona za period januar - decembar 2025.godine.

### II

Ovaj Zaključak stupa na snagu danom donošenja.

Broj: \_\_\_\_\_  
Dana: \_\_\_\_\_ 2026.godine

Predsjedavajući  
Skupštine Unsko-sanskog kantona

Nisvet Jusić

**BOSNA I HERCEGOVINA  
FEDERACIJA BOSNE I  
HERCEGOVINE  
UNSKO-SANSKI KANTON  
MINISTARSTVO UNUTRAŠNJIH  
POSLOVA**



**BOSNIA AND HERZEGOVINA  
FEDERATION OF BOSNIA AND  
HERZEGOVINA  
THE UNA-SANA CANTON  
MINISTRY OF THE INTERNAL  
AFFAIRS**

**UPRAVA POLICIJE**

**Broj: 05-04/04-1-04- 34/26**

**Dana: 23.02.2026.godine**

# **INFORMACIJA**

**O STANJU NASILJA U PORODICI  
NA PODRUČJU UNSKO-SANSKOG KANTONA  
U 2025.GODINI**

**Bihać, februar 2026. godina**

## SADRŽAJ

<b>I UVOD .....</b>	<b>3</b>
<b>A – Opšta zapažanja o nasilju u porodici .....</b>	<b>4</b>
<b>II STANJE NASILJA U PORODICI .....</b>	<b>5</b>
<b>A – Stanje u 2025.godini .....</b>	<b>5</b>
<b>III OCJENA STANJA .....</b>	<b>9</b>
<b>A – Osnovna ocjena .....</b>	<b>9</b>
<b>B – Rezime .....</b>	<b>10</b>
<b>C – Prijedlog mjera .....</b>	<b>11</b>

## I UVOD

Nasilje u porodici predstavlja ozbiljnu sigurnosnu pojavu, čije posljedice trpi čitavo društvo i za čije je rješavanje, pored policije koja se uglavnom bavi njegovim posljedicama, potrebno angažirati i druge institucije i stručnjake različitih oblasti.

Izloženost žena, kao najčešćih i najbrojnijih žrtava nasilja u porodici, ima duboke korijene u patrijarhalnoj strukturi društva i tradicionalnoj podjeli spolova. Socijalni problemi i promjene u javnom životu poput rata, prekomjerno konzumiranje alkohola, neimaštine i gubljenja zaposlenja u značajnoj mjeri utiču na odnose među ljudima i pogoduju nasilju, kako u porodici, tako i izvan nje. Nasilje u porodici događa se u cijelom svijetu i prouzrokuje duševne i tjelesne tegobe svih članova porodice, uništava porodicu, pa se ne može i ne smije tolerisati.

U našem društvu je opšte poznata činjenica da većina žrtava (posebno žena) ne prijavljuje nasilje u porodici, iz razloga što po svaku cijenu žele sačuvati svoju porodicu, zbog tradicionalnog shvatanja pojma porodice ili zbog straha od neizvjesnosti oko podizanja i odgajanja djece, ekonomske neovisnosti, nepovjerenja u policiju, pravosuđe i druge mjerodavne institucije i dr.

U skladu sa donesenim pravilnikom Federalnog ministarstava unutrašnjih poslova, policijski službenici USK-a evidentiraju podatke o krivičnim dijelima nasilja u porodici u „Gender bazu“, a kako bi svi podaci bili dostupni nadležnim sudovima i tužilaštvu, kao i nadležnim JU Centrima za socijalni rad.

Izradom Informacije o stanju nasilja u porodici na području Unsko-sanskog kantona, Uprava policije Ministarstva unutrašnjih poslova nastavlja kontinuitet i praksu stvaranja preduslova da se problematika ove vrste nasilja detaljnije obradi i analizira. Mjesečni i periodični podaci vezani za nasilje u porodici prikazuju se i u izvještajima o radu Uprave policije MUP-a USK.

Uprava policije Ministarstva unutrašnjih poslova Unsko-sanskog kantona je i u proteklom periodu, baveći se navedenom problematikom, ostvarila zadovoljavajući nivo saradnje, kako sa centrima za socijalni rad, tako i sa pravosudnim organima, obrazovnim ustanovama, međunarodnim i drugim organizacijama i drugim institucijama, kao i sa „Sigurnom kućom“ u Bihaću.

Posebno je značajan rad tzv. RPZ (Rad policije u zajednici) policajaca, koji su određeni za „rad policije u zajednici“, u koji je uključen i određeni broj žena policijskih službenika, a kojima žene, kao najčešće žrtve nasilja, „lakše“ povjeravaju svoje probleme u slučaju eventualnog nasilja u porodici. Na nivou MUP-a USK-a za „Rad policije u zajednici“ ukupno je angažirano 49 policijskih službenika, od toga 7 policijskih službenika ženskog pola.

Također, značajan rad po ovoj oblasti ostvaruje se kroz rad policijskih službenika Sektora kriminalističke policije Odsjeka za maloljetničku delikvenciju, seksualne delikte i nasilje u porodici, koji kroz praćenje stanja problematike „Nasilje u porodici“ usmjeravaju i prate rad svih policijskih službenika koji se bave ovom problematikom. Ostvarena je, također i saradnja sa vladinim i nevladinim sektorom, a policijski službenici se u kontinuitetu educiraju za rad u ovoj oblasti. Činjenica je da se žrtve nasilja sve više i češće odlučuju da prijave nasilje policiji, ali su i dalje kod jednog dijela prisutne razne zablude, strah, sramota, ekonomska neovisnost, nepovjerenje u policiju i pravosuđe itd., a što se može otkloniti i proaktivnim djelovanjem policije i svih drugih relevantnih institucija društva.

Policijski službenici kroz razna edukativna predavanja, samostalno ili u saradnji sa drugima, na seminarima, okruglim stolovima, kroz istupe u medijima i raznim saopćenjima za javnost na nivou općina, nastoje ojačati svijest žrtava da prijave nasilje, jer iste iz straha od nasilnika, osude sredine, ekonomske ovisnosti, zabluda, ne prijavljuju nasilje, čime se ono ponavlja i u nekim slučajevima postaje intezivnije.

Iz tog razloga „Nasilje u porodici“ također spada u sivu brojku kriminaliteta jer se mnoga djela nasilja prikrivaju, prešućuju i mogu se otkriti samo proaktivnim radom policije u zajednici.

Međutim pored svih negativnih pojava ipak je primjetno da je svjesnost žrtava u porastu i da se sve češće odlučuju prijaviti nasilje, a iz kojih razloga je i povećan broj žrtava kao podnosioca prijava.

## **A - Opšta zapažanja o nasilju u porodici**

Nasilje u porodici je ponašanje u kojem neko nasiljem, drskim ili bezobzirnim ponašanjem ugrožava mir, tjelesnu cjelovitost ili psihičko zdravlje člana svoje porodice. Pojavljuje se u raznim oblicima kao fizičko, seksualno, psihičko, emotivno, ekonomsko, duševno i dr. nasilje. Kao žrtve nasilja u porodici najčešće se pojavljuju supruge, a zatim, životni partneri, djeca, muž, stara i nejak a lica. Pod pasivnim zlostavljanjem podrazumijeva se suptilan vid nasilja kao što su dvosmislenost, prebacivanje krivice, zapostavljanje, ponižavanje, omalovažavanje i sl., koje se uglavnom teško uočava kao nasilje, a obično vodi i završi kao fizičko nasilje.

Uzroci nasilja u porodici su najčešće u slučajevima siromaštvo, nemogućnost obezbjeđenja sredstava i boljih uslova za život, patrijahalni odgoj, alkoholizam i sl., a dok se nasilje u porodici u većini slučajeva dešava u socijalno zapuštenim porodicama.

U našoj zajednici postoji više uzroka nasilja u porodici, međutim bitno je napomenuti i da je jedan od uzroka nasilja u porodici nedavna ratna dešavanja na području BiH, zbog čega u mnogim porodicama postoje ljudi koji su prošli užase rata (logori, razna mučenja, gubljenje članova porodice itd.) što je kod njih prouzrokovalo dugoročne traume, a kod nekih je prisutan i posttraumatski stres, a što se u velikoj mjeri odnosi na njihove porodice.

Pored toga što je krivično djelo „Nasilje u porodici“, kao relativno novi pojavni oblik kriminaliteta, uveden tek 2003.godine (član 222. KZ FBiH) biće krivičnog djela nasilje u porodici se pojavljuje, prepoznaje i dokumentuje i prilikom obrade drugih grupa krivičnih djela kao što su: KD protiv života i tijela (ubistvo, TTP, LTP) i KD protiv polne slobode i morala (silovanje, rodoskrvuće, bludnje radnje), te KD protiv braka, porodice i mladeži (izbjegavanje izdržavanja, napuštanje djeteta, zapuštanje ili zlostavljanje djeteta i maloljentika i sl.). Kao žrtve su pojavljuju svi članovi porodice.

Kako bi se osigurala efikasna zaštita žrtava Federacija Bosne i Hercegovine donijela je Zakon o zaštiti od nasilja u porodici i nasilja prema ženama u FBiH a koji je stupio na snagu u mjesecu martu 2025.godine, kojim se jasno definišu oblici nasilja, mjere zaštite i odgovornosti institucija. Njegovo donošenje predstavlja važan korak u jačanju pravne zaštite žena i članova porodice, čiji je osnovni cilj srečavanje nasilja u porodici i nasilja prema ženama, zaštita žrtava i njihova sigurnost, kažnjavanje počinitelaca nasilja, jačanje odgovornosti institucija, prevencija i podizanje svijesti u društvu.

Opće zapažanje nasilja u porodici na području Unsko - sanskog kantona u 2025.godini u odnosu na 2024.godinu prema statističkim podacima organizacionih jedinica iz sastava Uprave policije karakteriše povećanje. U 2025.godini evidentirale ukupno 218 krivičnih djela „Nasilje u porodici“, što je više za 41 ili 23,16% u odnosu na uporedni period 2024.godine, 9 krivičnih djela kršenje zaštitnih mjera, za koje je prijavljeno 9 lica, dok je broj prijavljenih prekršaja iz Zakona o zaštiti od nasilja u porodici 4 slučaja. Kada se zbroje broj krivičnih djela i prekršaja po Zakonu o zaštiti nasilja u porodici (231) dobijemo porast broja ovih događaja za 21 ili 10%, u odnosu na 2024.godinu.

Promatra li se po godinama broj prijavljenih KD „Nasilje u porodici“ u periodu 2017.-2025.g. evidentan je nepravilan trend porasta od 2017.godine.

TABELARNI PRIKAZ KD „NASILJA U PORODICI“  
2017. – 2025.godina

Godina	2017.g	2018.g	2019.g	2020.g	2021.g	2022.g	2023.g	2024.g.	2025.g.
KD	154	137	173	147	147	157	154	177	218
Ukupno	1464								

## II STANJE NASILJA U PORODICI

### A – Stanje u 2024.godini

Organizacione jedinice Uprave policije, u periodu 01.01.-31.12.2025.godine, **evidentirale su 218 krivičnih djela „Nasilje u porodici“, što je više za 41 ili 23,16%** u odnosu na uporedni period, evidentirano je 9 krivičnih djela „kršenje zaštitne mjere“, dok je broj prijavljenih prekršaja iz Zakona o zaštiti od nasilja u porodici 4 slučaja što ukazuje na smanjenje broja prekršaja za 29 ili 87,87%. Kada se zbroje broj krivičnih djela i prekršaja po Zakonu o zaštiti nasilja u porodici (231) dobijemo porast broja ovih događaja za 21 ili 10%, u odnosu na 2024.godinu.

TABELARNI PREGLED UPOREDNIH PODATAKA O UKUPNOM BROJU KRIVIČNIH  
DJELA „NASILJE U PORODICI“, KRIVIČNIH DJELA „KRŠENJE ZAŠTITNIH MJERA“ I  
BROJA PREKRŠAJA  
ZA 2025. I 2024. GODINU

GODINA	BROJ KD ČL.222	BROJ KD ČL.81	BROJ PREKRŠAJA	SVEGA
2025.godina	218	9	4	231
2024.godina	177	0	33	210
RAZLIKA + -	41	0	-29	+21
RAZLIKA %	23,16 %	0	-87,87%	+10%

Kada je u pitanju broj slučajeva nasilja u porodici ( krivična djela, prekršaji i ostali događaji) na području USK-a je zabilježeno je 231 slučaj sa elementima nasilja u porodici, što je više za 21 ili 10%. Najčešća pojava nasilja je fizičko nasilje, gdje je evidentiran 159 slučaj, što je više za 8 ili 5,29%, zatim psihičko nasilje 46 slučajeva više za 19 ili 70,37%, seksualno nasilje 3 slučaja u uporednom periodu nije bilo ovih slučajeva i ostali slučajevi nasilja 23, što je manje za 8 ili 25,80% slučajeva nasilja, a sve u odnosu na 2024.godinu.

Na osnovu broja prijavljenih slučajeva nasilja u porodici vezanih za nasilje u porodici, koja su u nadležnosti policije, organizacione jedinice Uprave policije (policijske stanice) su nadležnim sudovima predložile izricanje 504 zaštitnih mjera, što je više za 99 ili 24,44% u odnosu na uporedni period a na osnovu tih prijedloga sud je izrekao 402 zaštitne mjere, što je više za 120 ili 42,55%, u odnosu na uporedni period 2024.godine. Izrečene zaštitne mjera su: zabrana komunikacije, uznemiravanja i uhođenja žrtve nasilja - 165, zabrana približavanja žrtvi nasilja i prema potrebi djeci žrtve - 157, obavezan psihosocijalni tretman -20, obavezno liječenje od ovisnosti -15, i udaljenje iz stana kuće ili nekog drugog stambenog objekta – 45.

### ➤ KRIVIČNA DJELA

Na području Unsko-sanskog kantona u periodu 01.01.- 31.12.2025.godine, **evidentirano je 218 krivičnih djela iz člana 222. KZ F BiH (Nasilje u porodici), što je više za 41 ili 23,16%**, u


odnosu na uporedni period, za koja su prijavljena 223 lica (više za 45 u odnosu na uporedni period), od kojih je 91 povratnik (više za 33 povratnika) i 1 maloljetnik i 131 ostalih počinioca. Od 223 prijavljena lica 215 lica čine muškarci, dok 8 lica čine žene od kojih je jedna maloljetna.

Srukturu prijavitelja krivičnog djela „Nasilje u porodici“ čine žene 103 prijave, muž 4 prijave, članovi porodice 35 prijave, djeca 23 prijave, građani 15 prijave, medicinsko osoblje 12 prijave, Centar za socijalni rad 3 prijave, udruženja 2 prijave, nevladine organizacije 1 i ostalih 20.

#### UPOREDNI TABELARNI PREGLED BROJA KD NASILJE U PORODICI PO GRADOVIMA/OPĆINAMA

OPĆINA /GRAD	2025.GODINA	2024.GODINA	RAZLIKA	
			+ -	%
BIHAĆ	51	60	-9	-15%
B.PETROVAC	4	3	+1	33,33%
CAZIN	61	52	+9	17,30%
S.MOST	22	15	+7	46,66%
KLJUČ	14	10	+4	40%
V.KLADUŠA	48	26	+22	84,61%
B.KRUPA	12	7	+5	71,42%
BUŽIM	6	4	+2	50%
<b>UKUPNO</b>	<b>218</b>	<b>177</b>	<b>+41</b>	<b>23,16%</b>

Ova krivična djela najčešće se događaju na području grada Cazina (61), grada Bihaća (51), općine Velika Kladuša (48), općine Sanski Most (22), općine Ključ (14), grada Bosanska Krupa (12), općine Bužim (6) i općine Bosanski Petrovac (4), što je vidljivo u slijedećem grafičkom prikazu:



Kada uporedimo stanje broja krivičnih djela nasilja u porodici po gradovima i općinama u 2025.godini, u odnosu na uporedni period 2024.godine, može se zaključiti da je do povećanja broja krivičnih djela došlo na području, općine Velika Kladuša (48) više za 22, grada Cazina (61) više za 9, općine Sanski Most (22) više za 7, grada Bosanska Krupa (12) više za 5, općine Ključ (14) više za 4, općine Bužim (6) više za 2, općine Bos. Petrovac (4) više za 1, dok je do smanjenja broja krivičnih djela došlo samo na području grada Bihaća (51) manje za 9 u odnosu na uporedni period 2024.godine.

Za krivična djela „Nasilje u porodici“ prijavljeno je 223 lica, više za 45 ili 25,28%, u odnosu na period 2024.godine, među kojima je 91 povratnik i 1 maloljetnik.

Izvršioци navedenog broja KD „Nasilje u porodici“ su u 215 slučajeva muškarci, više za 49 ili 29,51% u odnosu na uporedni period 2024.godine, u 7 slučajeva žene manje za 4 ili 36,36% i u 1 slučaju djetе identično u odnosu na uporedni period 2024.godine.

Kada su u pitanju oštećena lica krivičnih djela „Nasilje u porodici“ evidentirana su ukupno 287 lica što je više za 33 ili 12,99%, u odnosu na 2024.godinu. Oštećena lica su u 218 slučajeva žene manje za 8 ili 3,53%, maloljetnici u 44 slučajeva, više 13 ili 41,93% i muškarci u 25 slučajeva što je više za 13 ili 108 % u odnosu na uporedni period 2024.godine.

Pored navedenog, nasilja u porodici, kako je već navedeno u ovoj informaciji, analizirana su i krivična djela protiv života i tijela iz Glave XVI Krivičnog zakona Federacije Bosne i Hercegovine, krivična djela protiv spolne slobode i morala iz Glave XIX Krivičnog zakona Federacije Bosne i Hercegovine i krivična djela protiv braka, porodice i mladeži iz Glave XX Krivičnog zakona Federacije Bosne i Hercegovine.

U 2025.godini evidentirano je ukupno 329 (više za 60 ili 22,30% u odnosu na 2024.godinu) krivičnih djela iz navedenih glava, i to iz Glave XVI krivičnih djela protiv života i tijela evidentirana su 89 krivična djela, što je više za 17 ili 23,61%, u odnosu na uporedni period, iz Glave XIX KZ F BiH krivičnih djela protiv spolne slobode i morala evidentirano je 13 KD-a, što je manje za 1 ili 7,14% u odnosu na 2024.godinu, iz Glave XX KZ F BiH krivična djela protiv braka, porodice i mladeži evidentirana su 227 KD-a, više za 44 ili 24,0%.

#### KD protiv života i tijela

Evidentirano su 89 krivičnih djela protiv života i tijela (Glava XVI KZ F BiH) i to: „Ubistvo“ (2), „Pokušaj ubistva“ (5), „Teška tjelesna povreda“ (27), „Laka tjelesna povreda“ (52) i „Učestovanje u tuči“ (3).

Od navedenih krivičnih djela unutar porodice su se dogodila slijedeća krivična djela „Teška tjelesna povreda“ (14), u kojima je 14 lica zadobilo teške tjelesne povrede i krivično djelo „Laka tjelesna povreda“ (19), u kojima je 19 lica zadobilo lakše tjelesne povrede.

#### KD protiv spolne slobode i morala

Evidentirano je 13 krivičnih djela protiv spolne slobode i morala (Glava XIX KZ F BiH) i to: KD „Silovanje“ (4), KD „Pokušaj silovanja „ (2), KD „Bludne radnje“ (4), KD „Spolno uznemiravanje“ (2) i KD „Upoznavanje djeteta sa pornografijom “ (1). Nije bilo evidentiranih krivičnih djela, koja su se dogodila unutar porodice.

#### KD protiv braka porodice i mladeži

Evidentirano je 227 krivičnih djela, (Glava XX KZ F BiH) protiv braka porodice i mladeži, 218 KD-a se odnosi na KD „Nasilje u porodici“, „Izvanbračna zajednica sa mlađim maloljetnikom (4), evidentirana su 2 KD „Zapuštanje ili zlostavljanje djeteta“ i 3 KD „Oduzimanje djeteta ili maloljetnika“.

Od navedenih krivičnih djela unutar porodice su se dogodila slijedeća krivična djela: „Nasilje u porodici (218), „Izvanbračna zajednica sa mlađim maloljetnikom (4), „Zapuštanje ili zlostavljanje djeteta „ (2) i „Oduzimanje djeteta ili maloljetnika“ (3).

TABELARNI PREGLED BROJA OSTALIH KD

NAZIV GRUPE KD	GODINA									
	2017	2018	2019	2020	2021	2022	2023	2024	2025	
KD protiv života i tijela	105	88	86	79	82	126	66	72	89	
KD protiv spolne slobode i morala	16	22	19	15	15	15	16	14	13	
KD protiv braka, porodice i mladeži	162	160	182	161	158	166	165	183	227	
UKUPNO	283	270	287	255	255	307	247	269	329	

**PREKRŠAJI U SKLADU SA ZAKONOM O ZAŠTITI OD NASILJA U PORODICI**

Godina	2017.g	2018.g	2019.g	2020.	2021	2022	2023	2024	2025
Prekršaji	51	31	10	8	19	43	46	33	4
Ukupno	<b>245</b>								

U toku 2025.godine evidentirana su 4 prekršaja iz Zakona o zaštiti od nasilja u porodici, za koje su izrečene i adekvatne zaštitne mjere. Podaci se odnose na prva tri mjeseca za 2025.godinu jer je u martu mjesecu došlo do izmjene i stupanja na snagu „Zakona o zaštiti od nasilja u porodici i nasilja prema ženama“ kojim su propisane zaštitne mjere i kršenje istih kao krivično djelo, čime je predhodni prekršajni pristup zamjenjen krivičnopravnim okvirom.

Navedeni prekršaji su se dogodili na području općine Velika Kladuša (2), grada Bihaća (1) i općine Sanski Most (1).

Broj počinitelaca navedenog broja prekršaja iz Zakona o zaštiti od nasilja u porodici je 4, dok je broj žrtava 4.

TABELARNI PRIKAZ KD „KRŠENJE ZAŠTITNIH MJERA“  
2025.godina

Godina	2025.								
KD kršenje zaštitne mjere	9								
Ukupno	9								

U toku 2025.godine evidentirano je 9 krivičnih djela „Kršenje zaštitnih mjera“ iz člana 81. Zakon o zaštiti od nasilja u porodici i nasilja prema ženama.

Navedena krivična djela su se dogodila na području grada Cazina (7) i općine Velika Kladuša (2).

Broj počinitelaca navedenog broja krivičnih djela iz Zakona o zaštiti od nasilja u porodici i nasilja prema ženama je 9, dok je broj žrtava 10.

### **III OCJENA STANJA**

#### **A / Osnovna ocjena**

Saznanja ukazuju da ima još uvijek slučajeva skrivanja nasilja u porodici zbog stida, zablude, neupućenosti, želje da se pokuša sačuvati porodica itd., tako da se nasilje može otkriti samo proaktivnim radom ne samo policije, već i drugih institucija.

Nasiljem u porodici najviše su ugrožena područja grada Cazina gdje je evidentirano 61 krivično djelo, grada Bihaća gdje je evidentirano 51 krivično djelo, općine Velika Kladuša gdje je evidentirano 48 krivičnih djela, općine Sanski Most 22 krivična djela, zatim grada Bosanska Krupa 12 krivičnih djela, općine Ključ 14 krivičnih djela, općine Bužim 6 krivičnih djela i općine Bosanski Petrovac 4 krivična djela.

Evidentirani prekršaji iz Zakona o zaštiti od nasilja u porodici su se dogodili na području općine Velika Kladuša 2, grada Bihaća 1 i općine Sanski Most 1.

Evidentirana krivična djela iz Zakon o zaštiti od nasilja u porodici i nasilja prema ženama su se dogodila na području grada Cazina (7) i općine Velika Kladuša (2).

Neophodno je poboljšati uslove za rad sa žrtvama nasilja u porodici, a nedostaju i prostori za provođenje određenih izrečenih zaštitnih mjera.

U ovoj oblasti ostvarena je dobra saradnja sa vladinim i nevladinim sektorom, a policijski službenici se i dalje educiraju za rad u ovoj oblasti. Žrtve se sve više i češće odlučuju da prijave nasilje, ali su i dalje, kod jednog dijela, prisutne razne zablude i strah, što se može otkloniti proaktivnim djelovanjem svih nadležnih, a ne samo policije.

U cjelini gledano stanje problematike nasilja u porodici na području Unsko-sanskog kantona može se ocijeniti kao zadovoljavajuće.

#### **B / Rezime**

Problematika nasilja u porodici je u raznovrsnim oblicima prisutna i na Unsko-sanskom kantonu, a njegova brojnost zahtjeva maksimalnu uvezanost i koordinirano zajedničko djelovanje svih nadležnih institucija, kako Unsko-sanskog kantona, tako i cjelokupnog bosansko- hercegovačkog društva. Posebno je potrebno naglasiti sljedeće:

- Broj KD-a „Nasilje u porodici“ u 2025.godini je u porastu za 41 krivično djelo, u odnosu na 2024.godinu.
- Nasilje u porodici je najizraženije na području grada Cazina i Bihaća, dok je najmanje izraženo na području općine Bosanski Petrovac i općine Bužim.
- Pored krivičnih djela iz člana 222.KZ FBiH „Nasilje u porodici“, nasilje u porodici je evidentirano i u grupama krivičnih djela protiv života i tijela i u grupi krivičnih djela protiv porodice i mladeži.
- Od navedenih krivičnih djela unutar porodice su se dogodila slijedeća krivična djela: „Nasilje u porodici (218), „Izvanbračna zajednica sa mlađim maloljetnikom (4), „Zapuštanje ili zlostavljanje djeteta „ (2) i „Oduzimanje djeteta ili maloljetnika“ (3).
- U 2025.godini nadležnim sudovima podneseno je 504 zahtjeva za izricanje zaštitnih mjera.
- U 2025.godini sud je na osnovu predloženih zahtjeva za izricanje zaštitinih mjera izrekao 402 zabrane po raznim osnovama.

- Krivično djelo „Nasilje u porodici“ u najvećem broju slučajeva vrše muškarci - muževi, a najčešće žrtve su žene - supruge.
- Ohrabruje trend porasta svijesti žrtava da nasilje prijave nadležnim institucijama ali je i dalje evidentna nedovoljna educiranost građana u ovoj oblasti.
- Jedan broj slučajeva „nasilja u porodici“ se iz raznih razloga ne prijavljuje policiji, niti Centrima za socijalni rad, te je neophodan njihov dalji proaktivni rad na njihovom otkrivanju.
- Prema zapažanjima policije pojavu nasilja u porodici nerijetko uzrokuje teško ekonomsko-socijalno stanje društva, čija osnovna jedinica je porodica, slabljenje funkcije braka i porodice, nezaposlanost, neizvjesna budućnost, alkoholizam i zloupotreba droga, konzervativan odgoj, te shvatanje u nekim sredinama da je fizičko i druga maltretiranja svoje žene (supruge), pa i djece dozvoljeno i normalno postupanje „glave porodice“ itd..
- Na nivou organizacionih jedinica Uprave policije MUP-a USK-a određeni su policijski službenici, koji postupaju po prijavama nasilja u porodici i koji se kontinuirano educiraju i stručno usavršavaju, gdje je shodno tome:
  - Dana 25. i 26.06.2025. godine održana je edukacija na temu „Jačanje kapaciteta nadležnih institucija u oblasti prevencije i procesuiranja femicida“ na koju su bila prisutna dva policijska službenika ispred Uprave policije MUP-a USK.
  - Dana 28.07. do 01.08.2025. godine u Sarajevu održana je edukacija na temu „Obuka za borbu protiv nasilja u porodici i nasilja prema ženama“ kojem je prisustvovao jedan policijski službenik ispred Uprave policije MUP-a USK.
  - Dana 06. i 07.08. 2025. godine od strane F MUP-a u Vitezu održana je radionica o izradi podzakonskih akata od nadležnosti policije u skladu sa zakonom o zaštiti od nasilja u porodici i nasilja nad ženama u F BiH.
  - Dana 15. i 16.09.2025. godine u Neumu održana edukacija policijskih službenika na temu „Razmjena dobrih praksi u kontekstu zakonodavnih izmjena o digitalnom nasilju nad ženama“ u okviru projekta Vijeće Evrope. Edukaciji prisustvovalo 5 policijskih službenika
  - Dana 20. i 21.10.2025. godine u Mostaru održana edukacija na temu „Žene, mir i sigurnost“ na kojoj je prisustvovalo šest policijskih službenika.
  - Dana 19.12.2025. godine u Cazinu održana je edukacija policijskih službenika na temu „Vaša stručnost, njihova sigurnost“. Edukaciji prisustvovala 6 policijskih službenika.
- Na području Unsko-sanskog kantona prisutan je problem smještaja žrtava nasilja u porodici, jer postojeća „Sigurna kuća“ u Bihaću ima veoma mali kapacitet.
- Bitno za istaći potrebu opremanja posebnih prostorija Uprave policije MUP-a USK i njenih organizacionih jedinica, za rad sa žrtvama nasilja u porodici, gdje se nerijetko kao žrtve pojavljuju djeca različite starosne dobi, a čija zaštita je u obavezi svih institucija koje se bave ovom problematikom, u skladu sa Zakonom o postupanju i zaštiti sa djecom i maloljetnicima u krivičnom postupku.

### **C / Prijedlog mjera**

- ❖ *Nastaviti voditi službene evidencije, te u kontinuitetu nastaviti provoditi aktivnosti policije na prevenciji nasilja u porodici. Intenzivirati aktivnosti prikupljanja saznanja o nasilju u porodici i kada je niskog intenziteta, te usmjeriti adekvatnu pažnju prema ranije evidentiranim počiniocima i porodicama sa već indiciranim nasiljem.*
- ❖ *Nastaviti jačati suradnju sa centrima za socijalni rad, pravosudnim organima i drugim institucijama, te razmjenjivati podatke i usklađivati zajedničko djelovanje sa istim.*
- ❖ *Intenzivirati edukacije i stručna usavršavanja, kako policije, tako i socijalnih radnika, zdravstvenih radnika, uposlenika u obrazovanju, u pravosudnim organima i sl., kako bi se postigao viši stepen efikasnosti i koordinacije u njihovom radu. Naročito je poželjno organizirati zajedničke edukacije pripadnika navedenih institucija, koji se bave problematikom nasilja u porodici.*

- ❖ Podatke o pojavama nasilja u porodici i aktivnostima policije prezentirati kroz provođenje različitih aktivnosti policije u zajednici, vodeći računa o zaštiti integriteta žrtve i onemogućavanju nastavka nasilja.
- ❖ Educirati i stručno osposobiti za rad po problematici nasilja u porodici što veći broj žena policijskih službenika.
- ❖ Intenzivnije raditi na primjeni Zakona o zaštiti od nasilja u porodici i nasilja prema ženama, kao i dosljednoj primjeni Pravilnika o načinu provođenja zaštitnih mjera za učinioce nasilja u porodici i nasilja prema ženama koje su u nadležnosti policijskih organa i Pravilnika o postupku i načinu provođenja procjene rizika za žrtve nasilja u porodici i nasilja prema ženama.
- ❖ Nastaviti aktivnosti na poboljšanju uslova i adekvatnom opremanju policije za rad u oblasti nasilja u porodici.

Obrađivač: Džehverović Harisa/Nafka Keserović

DŽH/NK



502.viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560  
 Web: [www.mupusk.gov.ba](http://www.mupusk.gov.ba), e-mail: [mupusk@mupusk.gov.ba](mailto:mupusk@mupusk.gov.ba) , [info@mupusk.gov.ba](mailto:info@mupusk.gov.ba)